



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Summae seu Manualis Doct. Navarri

Ávila, Esteban de
Azpilcueta, Martín de

Lvgdvni, 1609

Inuocatio dæmonum.

urn:nbn:de:hbz:466:1-41656

418 INVIDENTIA. INVOG.
vel alteri, indifferens est. numer. 118.

Tristitia seu dolor de quocumque bono spirituali diuino, peccatum est Accidia, si fiat eo quod in ipso homine est, & est graue, & mortale si deliberatio animi adsit. Tristari verò de bono diuino, quatenus est in Deo, est odium Dei, quod suo genere est omnium peccatorum maximum & grauissimum. num. 124.

Tristari de aliquo bono spirituali, quatenus est laboriosum, & impedimentum aliorum operum, vel tristari de bonis virtutum moralium, vel de bono temporali, non est peccatum accidia, sed alterius vitij tali virtuti contrarij, vel inuidia. num. 124.

Inuidia seu tristitia fraternæ gratiæ, est peccatum contra spiritum sanctum. nu. 126.
Cur dicatur irremissibile, vide. tit. peccati.

INVOCATIO

Demonum.

EST duplex, expressa vel tacita. Expressa est quando verbo, vel opere imploratur auxilium demonum. Tacita est quando quis enititur facere aliquid per causas, quæ nec suapte natura, nec ex dispositione diuina, aut Ecclesiastica possunt illud efficere: Vel quando tales causas tanquam necessaria adiunguntur aliis, quæ possunt

INVOCATIO DÆMON. 419

possunt talem effectum producere. cap. 11. num. 22. Nouo num. 25.

Exempla hæc possunt esse. I. vti verbis sacris, ea lege vt sint scripta, vel ligata tali tempore, modo, materia, aut à tali persona: & aliis huiusmodi: quod est peccatum mortale. num. 23. & 34. Nouo num. 25. & 35.

II. Adiungere causis naturalibus aliquos characteres significatiuos, ad intelligendum dæmonem factos; vel nomina incognita, sed ad dæmones relata, quod etiam est mortale, ibidem.

III. vti causis naturalibus veluti charis, aleis, fortibus, astrolabio, cribro, & aliis huiusmodi ad sciendum secreta, & arcana, vel furtum commissum, vel ad subito incendendum, quod etiam est peccatum mortale. cap. 11. num. 22, & num. 30. No. nu. 25. & 30.

IV. Vti verbis sacris ad inanem effectum, vt ad mouendum annulum supra filium, vel ad voluendum cribrum: quod opera diaboli sit, & est peccatum mortale. ibidem.

V. Miscere falsa. veluti dicendo quod Christus habuit febres. num. 22. Nou. nu. 25.

Peccat mortaliter qui habet dæmonem seu spiritum familiarem ad sciendum secreta, vel remotissimo loco gesta. n. 24. No. nu. 26.

Peccat etiam m. qui tacite vel expresse inuocat dæmonem, vt sibi præster consiliu,

Dd 2 fauorem,

fauorem, vel auxilium. n. 27. No. n. 28. Idem de eo qui per modum obsecrationis adiurauit dæmonem. ibidem. vide, Adiuratio.

Peccat item mort. qui vult inuestigare, vel inuestigat thesaurum per operam dæmonis. num. 28. Idem de eo qui, vt inuocationibus, & incantationibus dæmonum, alicui noceat, componit vel facit componi veneficia. num. 28. Sed de aliis pluribus huic materia conuenientibus, vide tit. Superstitio.

I R A.

EST vitium inclinans animum ad appetitum inordinatum vindictæ. Eius filia sunt Indignatio, Tumor, Clamor, Blasphemia, Contumacia, Opprobrium, Rixa. cap. 23. num. 115. De ira quatenus est passio, vide. tit. Anima, & tit. Passio. Peccat mort. peccato iræ, qui deliberatè vult vindictam notabilem immeritam, vel maiorem merita, vel meritam, auctoritate propria; vel contra iuris ordinem; vel principaliter in malum proximi, & non in bonum iustitiæ. ibid.

Peccatum mortale iræ committit qui per indignationem, aut tumorem, aut clamorem inordinatum facit aliquid prohibitum sub mortali. cap. 23. num. 116.

Vide plura tit. Maledictio, Vindicta.

I R A.